

# *UDZHIA KHORO YA SWINA*

## *NGA MURAHU HA TSENGO*

¶ Ndi a mangala uri... Ni a divha, ndi na muhumbulo muțuku, vhunga, u vhona vhatħu vha tshi ima musi ri tshi vhala Ipfi. Naa izwo a ni zwi funi? Ri a ima u sumbedza ɻonifho, ri a imela lushaka lwashu, ndi ngani ri sa imeli Ipfi zwino?

<sup>2</sup> Musi ro ima lwa tshifhinganyana. Ndo vha ndi tshi khou vhala lianetshelwa, hu si zwa kale-kale, huno ndo vha ndi tshi khou elekanya vhusiku ho fhiraho nga ha avho vhatħu vhe vha imela Kristo. Arali ni songo zwi ita, naa ni nga si zwi ite ɻamusi?

<sup>3</sup> Ho vha hu na muevangeli muhulwane, miñwaha i no ɻodou swika fumbiliðhanu yo fhiraho, a thi tou kona u humbula dzina lawe. Ndi elekanya uri ho vha hu Arthur McCoy, huno o no di buda shango. Huno vhuñwe vhusiku o vha na muloro wa musi o ya Vhugalani. Huno a ri o ya Khoroni, huno a ri a vho ngo mu tendela u dzhena. Huno a ri o ri, “Ndi nne Arthur McCoy a bvaho kha la United States. Ndi nne muevangeli.”

<sup>4</sup> Ngauralo mulindakhoro a dzhena ngomu, (zwino uyu wo vha u muloro), huno a dzhena ngomu, a ri, “A thi wani dzina ɻaňu na luthihi.”

A ri, “Zwo ralo, ndo vha ndi muevangeli.”

A ri, “Muňe wanga, ndi...”

<sup>5</sup> A ri, “Zwo luga, naa hu na tshikhala tsha uri... Hu na tshiñwe tshithu tsho khakheaho.”

<sup>6</sup> A ri, “Hai, muňe wanga. Ndi na Bugu hafha. A thi wani dzina ɻaňu na luthihi.”

Huno a ri, “Ndi zwone, naa ndi nga ita tshiñwe tshithu nga hazwo?”

<sup>7</sup> A ri, “Ni nga di humbela khaðululo ya mulandu waňu kha Khaðulo ya Khulunõni Tshena.” Mudzimu, thusa. A thi ɻodi u vha hangei.

<sup>8</sup> A ri, “Zwo luga, arali ilo li lone fulufhelo ɻanga fhedzi, ndi a humbulela uri ndi ðo tou humbela-ha khaðululo ya mulandu wanga.”

<sup>9</sup> Huno a ri zwenezwo a elekanya uri o ya kule-kule, huno a tou... Huno musi a tshi thoma, a ri ho vha hu swiswi, huno tshedza tsha engedzea na u engedzea, huno a ri ho vhonala hu tshi nga ho vha hu si na huñwe fhethu he itshi Tshedza tsha ima, fhedzi o vha e heneffo vhukati Hatħo. Huno a ri O ri, “Naa ndi nnyi a no sendela Khulunõni Yanga ya Khaðulo?”

<sup>10</sup> A ri, “Ndi nne Arthur McCoy. Ndi nne muevangeli, ndo rumela mimuya minzhi kha Muvhuso.”

A ri, “Naa dzina lau a lo ngo waniwa kha Bugu?”

“Hai.”

Ha pfi, “Zwenezwo wo humbelo khaṭhululo kha Khothe Yanga?”

“Ee, muñe wanga.”

<sup>11</sup> “U do wana khaṭhulo kwayo. Ndi u haṭula nga milayo Yanga. Arthur McCoy, naa wo no vhuya wa amba mazwifhi?”

<sup>12</sup> A ri, “Ndo elekanya uri ndo vha ndi munna wavhudì nga maända u swika ndi tshi ima kha itshe Tshedza.” A ri, “Fhedzi Vhuhoneni ha itshe Tshedza, ndo vha ndi muitazwivhi.” Rothe ri do vha zwenezwo. Inwi ni nga di pfa no tsireledzea zwino, fhedzi lindelani u swika ni tshi da Heneffo. Ni elekanya uri zwi pfala zwi hani fhano musi A tshi khou dolisa? Nga ndila ine ni nga pfa ni muñuku! Naa zwi do vha mini ngei kha iyo Khaṭhulo ya Khulunoni Tshena?

A ri, “Naa wo no vhuya wa amba mazwifhi?”

<sup>13</sup> A ri, “Ndo elekanya uri ndo vha wa ngoho, fhedzi zwiñwe zwithu zwiñku zwe nda elekanya uri zwe vha zwi mazwifhi mañku matshena, zwi vha zwiñhulu nahone zwe swifhalaho Hangei.”

A ri, “Ee, muñe wanga, ndo amba mazwifhi.”

A ri, “Naa wo no vhuya wa tswa?”

<sup>14</sup> A ri, “Ndo elekanya uri ndo vha a fulufhedzeaho nga hazwo, huno na kathihi nda sa tswe, fhedzi a ri, Vhuhoneni ha itshe Tshedza, ndo—ndo limuwa uri ho vha na ngona dze nda shumissa, dze dza vha dici songo tou luga.”

A ri, “Ee, muñe wanga, ndo tswa.”

A ri, “Khaṭhulo yanga . . .”

<sup>15</sup> Huno u tsini na u pfa khaṭhulo yawe, “Iya muliloni wa lini na lini we wa lugiselwa diabolo na vharuñwa vhawé,” a ri shambo línwe na línwe lo vha li tshi khou fhandekana.

<sup>16</sup> Ha pfi, “Nda pfa ipfi lo nakesaho le nda vhuya nda li pfa vhutshiloni hanga.” A ri, “Musi ndi tshi rembuluwa uri ndi sedze, nda vhona tshifhañuwo tsho nakesaho tshe nda vhuya nda tshi vhona; tsho nakaho u fhira tshifhañuwo tsha mme, ipfi lo nakaho u fhira le mme anga vha vhuya vha mmbidza ngalo.” Ha pfi, “Nda sedza u mona hothe. Nda pfa ipfi, la ri, ‘Khotsi, izwo ndi ngoho, o amba mazwifhi nahone o vha a sa tou fulufhedzea. Fhedzi, fhasi kha liphasi o Nnyimela,’ a ri, ‘zwino Ndi do ima fhethu hawé.’”

<sup>17</sup> Izwo ndi zwine nda ḥoda zwi tshi bvelela Hangei. Ndi ḥodou Mu imela zwino, uri, musi itsho tshifhinga tshi tshi swika, A vhe o ima fhethu hanga.

<sup>18</sup> Kha ri vhale kha Genesi 22; ndimana dza 15, 16, 17, na 18.

*Huno muruñwa wa MURENA a vhidzelela Abrahamu e tađulu lwa vhuvhili.*

*Huno a ri, Ndo ana nga nne muñe, u ralo MURENA, ngauri iwe wo ita itshi tshithu, huno wa sa tshivhe murwa wau, murwa wau e eþhe:*

*Uri kha phaþutshedzo Ndi ðo u fhaþutshedza, . . . kha u andisa Ndi ðo andisa mbeu yau sa naledzi dza tađulu, nahone sa muþavha u re tsini na khunzikhunzi ya lwanzhe; huno mbeu yau i ðo dzhia khorø ya swina layo;*

*Huno nga mbeu yau tshakha dzothø dza lifhasi dzi ðo fhaþutshedzwa; ngauri iwe wo thetshelesa ipfi þanga.*

Kha ri rabele.

<sup>19</sup> Khotsi wa Tađulu, dzhia liñwalwa zwino, Murena, huno u ri shumele. Ngavhe Muya Mukhethwa u tshi hwala Maipfi, Murena, heneffho kha mbilu inwe na inwe. Izwo two vha zwi tshi do fusha ndavhelelo dzashu masiari ano, ngauri ndi khulwane, Murena. Huno Wo ri vhudza uri ri humbele nga vhudalo, uri dakalo lashu li ðale. Ri zwi humbela Dzinani la Yesu. Amene.

Ni nga dzula.

<sup>20</sup> Arali ndi tshi tea u vhidza iyi liñwalwa, lwa zwifhinganyana. Ipfi þanga a li na nungo, ngauralo ndi ngazwo ndi tshi tea u ima tsini na tshihudzaipfi. Ndi a ðivha uri hu na ndovhololo, fhedzi ri a i kondelela zwiþuku. Ndi þodou li vhidza: *U Dzhia Khorø Ya Swina Nga Murahu Ha Tsengo.*

<sup>21</sup> Bono lashu li vula kha liñwe la mabono a mangadzesaho a re kha Abrahamu. Inwi ni a ðivha uri Abrahamu ndi khotsi a vha fulufhedzeaho. Huno pfulufhedziso yo itwa kha Abrahamu. Huno nga u vha vhaþaifa nae fhedzi, nga Kristo, ndi yone ndila i yoþhe ine ra þanganedza pfulufhedziso, ndi nga Abrahamu. Zwino, Abrahamu o vha a tshi tou vha munna zwawe, fhedzi o vha o vhidzwa nga Mudzimu nahone o vha a tshi fulufhedzea kha iyo mbidzo. Musi Mudzimu a tshi amba nae, Abrahamu ho ngo timatima ilo ipfi nga tshiñwe tshifhinga na kathihi. O dzula heneffho nalo. A hu londwi uri tshikondisi tsho vha tshi tshifhio, o dzula heneffho nalo.

<sup>22</sup> Huno zwenezwo a fulufhedziswa murwa. Huno o lindela miñwaha ya fumbiliþanu o þanganedza uyo murwa, a tshi dzhia tshiñwe na tshiñwe tshi fhambanaho nayo sa tshe tsha vha tshi songo ralo. Huno zwenezwo, nahone kha uyu murwa, miþa yoþhe ya lifhasi yo vha i tshi ðo fhaþutshedzwa. Huno vho-khotsi vho vha vha tshi fulufhedzea kha mbidzo yavho na Ipfi lo fulufhedziswaho.

<sup>23</sup> O vha e tsumbo ya zwine ra tea u vha zwone. Zwino riñe, ro fa kha Kristo, ri Mbeu ya Abrahamu.

<sup>24</sup> Zwino, ho vha hu na mbeu mbili dza Abrahamu. Inwe yadzo yo vha i mbeu ya mvelo; inwe yo vha i Mbeu ya maya. Inwe yadzo yo vha i ya mvelo, nga nama yawe; inwe yo vha i Mbeu ya lutendo lwawe, lutendo, uri na riñe ri kone u vha Mbeu ya Abrahamu nga Ipfi lo fulufhedziswaho.

<sup>25</sup> Huno zwino nga murahu ha musi o no lingiwa lwa miñwaha ya fumbilithanu milapfu, huno, vhudzuloni ha u kulea nungo, a khwatha. Ni a vhona, arali zwi songo bvelela nga ñwaha wa u thoma, ñwaha u tevhelaho wo vha u tshi do vha dembe lihulwane, ngauri ho vha ho no vha miñwaha mivhili. Huno o ñphopa iyo miñwaha, zwezwi a tshi kalaha, huno muvhili wawe wa fa. Mbumbelo dza Sarah, mbumbelo, kana yo (mbo) vha i sa bebi. Huno ngauralo-ha nungo dzawe dzo vha dzi si tsheeho, nahone ho vha hu na . . . A zwi konadzei tshoþhe-tshoþhe.

<sup>26</sup> Naa no no vhuya na elekanya zwe Mudzimu a ita heneffo? Ni a vhona, na kathihi Ho go ita nga maanda fhedzi uri mbumbelo yawe i bebe. Ngauri, elelwani, arali O ita izwo, zwenezwo elelwani uri arali izwo O zwi ita . . . vho vha vha si na aya mabodelo a mutakalo na tsiravhulwadze, nga ayo maðuvha, u nea lushie, mafhi a bvaho kha kholomo ya tsadzi. Ni a vhona? Ñahone O do tea u . . . Tsinga dzawe dza mafhi dzo vha dzo no xa. Ngauralo O—O vha a tshi do vha a songo . . . Ho do tea u bvelela tshinwe tshithu.

<sup>27</sup> Zwenezwo, sedzani musadzi, e na miñwaha ya ñana, u dzhena mbeboni. Mbilu yawe yo vha i tshi do vha i songo zwi kondelela. Zwi a kondja zwino kha musadzi, wa miñwaha ya fuina, u zwi ita. Mbilu yawe yo vha i tshi do vha i songo zwi kondelela. Ngauralo ni a ñivha zwe A ita? Arali ni tshi do dzhiela nzhele . . .

<sup>28</sup> Zwino ndi a zwi ñivha uri vhanzhi vha nga di si tendelane na nne. Arali izwi zwo luga zwa u ita itshi tshitatamennde? Ni a vhona, ndi . . . I do tou vha kuelekanyele kwanga.

<sup>29</sup> Ni a vhona, Bivhili ndi Bugu ya nthha ha mupo. Yo ñwaliwa uri i dzumbelwe zwikolo, mudivhatheolodzhi. Ndi vhangana vha no zwi ñivha izwo? Yesu o livhuwa Mudzimu. O ri, “Ndi a U livhuwa, Khotsi, Iwe wo Li dzumbela vhaþali na vho thanyaho, huno wa Li dzumbululela vhushie vhu no do guda.” Ndi Bugu ya lufuno. Musi lufuno lwa Mudzimu lu tshi dzhena mbiluni, zwenezwo ni funana na Mudzimu, zwenezwo U a Didzumbulula, þhaluso ya Bivhili. Thalutshedzo ya Bivhili ndi Mudzimu Ene muñe a tshi khou þalusa pfulufhedziso Dzawe. Fhedzi, Bivhili, Yo ñwaliwa vhukati ha mutualo.

<sup>30</sup> Zwino, vhunga mufumakadzi wanga, oo, ndi musadzi a mangadzesaho shangoni loþhe, huno ndi a mu funa zwa vhukuma. U a mpfuna. Ngauralo musi ndi kule na haya, u do ññwalela luñwalo, a ri, “Bill a funwaho, madekwana a ñamusi ndi tou ededza vhana. Ndo ñanzwa ñamusi, na zwoþhe zwe a

ita, na zwiñwe-vho.” Zwino izwo u khou zwi amba kha luñwalo. Fhedzi, ni a vhona, ndi a mu funa nga maanda, huno nga maanda ri tou vha muthihi, u swika ndi—ndi tshi kona u vhala vhukati ha mitaladzi. Ndi a ñivha zwine a khou ḥoda u amba, ni a vhona, kana u a mmbudza izwo kana hai, ni a vhona. Ndi—ndi a ñivha zwine a khou amba, ngauri ndi lufuno lwanga khae, na pfeseso yanga.

<sup>31</sup> Ndi zwone, iyo ndi ndila ye Bivhili ya ñwalwa ngayo. Ni a vhona? Ndi—ñdivhongudwa i ðo ya nga n̄tha hayo; na kathihi a vha nga i pfesesi. Ni a vhona, ni tea u vha a funaho Ipfi, Ene, “u Mu ñivha.” Ni a vhona?

<sup>32</sup> Zwino, zwino ngomu hafha, sedzani zwe A ita. Zwino Abrahamu na Sarah vho vha vho no aluwa vhuvhili havho, “vho no vha vha maðuvha tshoþhe,” Bivhili yo ralo. Zwino ho vha hu si ngauri vho vha vhe vhathu vho dzulaho tshifhinga tshilapfu henehfo. Bivhili yo amba zwauri, “Vho vha vho no vha vha maðuvha tshoþhe nga vhukale.”

<sup>33</sup> Zwino dzhielani nzhele, nga u ḥavhanya nga murahu ha musi uyu muruñwa o no bvelela, we ra vha ri tshi khou amba nga hae; we a vha e Elohim, Mudzimu. Huno O amba, a vhudza Abrahamu, “Ndi ðo u dalela u ya nga tshifhinga tsha vhutshilo.” Zwino sedzani u tsa fhasi hoþhe, vho vha vhe tshifanyiso tsha Tshihidzo, ndilani yoþhe.

<sup>34</sup> Zwino sedzani. Ngezwi zwe zwa bvelela. Zwino, Ho ngo tou haswa Sarah, nahone a haswa Abrahamu. O vha humisela murahu kha muthannga na musadzi. Zwino izwo zwi nga ñi vhonala zwi zwisili, fhedzi zwino sedzani tshiñwe tshipiða tsha Ipfi tshoþhe, huno ni zwi vhee fhethu huthihi. Ipfi lo hevhedzwa, huno inwi ni tea u hevhedzwa Ipfi. Zwino, elelwani, nga u ḥavhanya nga murahu ha izwo, nga u ḥavhanya nga murahu ha u bvelela ha uyu Muruñwa . . .

<sup>35</sup> Ndi kona u tou dzi vhona idzo, idzo mmvi dza Sarah, makħulu muñuku vha musadzi vhe na tshalana shadani lavho, na gebisi ñukhu ya buse, vho farelela lubada, vha tshi khou mona hoþhe. “Nq̄e, nda vha na dakalo na murena wanga, huno ene o aluwa, na ene-vho?” Ni a vhona? Huno Abrahamu o vha e hafha, ndebvu idzi ndapfu, o farelela lubada, vhunga o vha, o no vha wa maðuvha tshoþhe nga vhukale.

<sup>36</sup> Huno ndi a vhona, nga matsheloni a tevhelaho, mahaða awe a thoma u onyolowa, thunda i a bva muñanani wawe. Mavhudzi awe a thoma u shanduka. Vho humela murahu kha muthannga na musadzi. Zwi tshi tou sumbedza zwine A khou yo ita kha Mbeu ya Vhuhosi ya Abrahamu, ni a vhona, musi ri tshi “shandukiswa nga tshifhinganyana, nga u poidza ha iþo, huno ra ḥanganedzwa n̄tha roþhe.”

<sup>37</sup> Sedzani zwe zwa bvelela. Zwino i ri ni izwi ndi ni sumbedze zwone. Zwino vho dzhia lwendo u bva fhethu he vha vha vhe

hone, henengei Gomora; huno vha tshimbila ndila yothe ya u ya Gerari, fhasi ngei shangoni la Vhafilista. Naa no zwi dzhiela nzhele? U swayeni kha mapa, uri ndi kule hani. Ndi lwendo tshothe kha tshivhili tsho aluwaho tsha uvho vhukale.

<sup>38</sup> Huno zwenezwo, nga nn̄dani ha izwo, sha—shangoni la Vhafilista henengei, ho vha hu na khosi ntswa ye dzina ya vha i tshi pfi Amaleke, huno yo vha i tshi khou ḥoda mufumakadzi. Huno yo vha i na avho vhasidzana vhothe vho nakaho vha Vhafilista, fhedzi musi yo no vhona makhulu vha musadzi, ya ri, “Vha sedzea vho naka,” huno ya vha funa nahone ya ḥoda u vha mala. Izwo ndi zwone. Uh-huh. Ni a vhona, vho vha vho naka. Ni a vhona?

<sup>39</sup> Vho shandukela murahu kha u vha musadzi muswa. Dzhielani nzhele, vho do tea u ralo, u disa uyo ḥwana. Mudzimu o vha ita tshivhumbwa tshiswa. Huno vho do tea u ralo, u alusa uyu ḥwana. Huno elelwani, Abrahamu, “muvhili wawe wo vha u tshi tou fana na musi wo fa,” huno Sarah o fa musi Abrahamu o... Isaka o vha e na miwaha ya fuiṇathānu, ndi a tenda, musi Sarah a tshi fa. Huno Abrahamu a mala muñwe musadzi huno a vha na vharwa vha sumbe nga nn̄dani ha vhananyana, nga murahu ha izwo. Ha-ha! Amene.

<sup>40</sup> Ni a vhona, vhalani vhukati ha mitaladzi. Ndi tshifanyiso. Henefho zwi sumbedza zwine A khou yo zwi ita kha Vhana vha Abrahamu vhothe. Ri khou tou sendela tsini hazwo zwino, ngauralo mahāda ashu o hovhamaho na tshiñwe na tshiñwe a zwi iti na phambano, dzikhonani. Nahone mmvi dzashu na zwine zwa vha zwone, a zwi na thaidzo zwino. A ri sedzi murahu. Kha ri sedze phanda kha zwine ra khou da khazwo.

<sup>41</sup> Huno elelwani, itsi tshiga tshine ra khou tshi vhona, tsho vha tshi tshiga tsha u fhedza tshe Abrahamu na Sarah wawe vha tshi vhona, musi murwa o fulufhedziswaho a sa athu vha hone. Ri tenda uri ri kha iyo awara.

<sup>42</sup> Vho-khotsi, nga murahu ha u bebiwa ha uyu mutukana. Naa ni nga humbulela Isaka, a tshi ḥodou vha na miwaha ya fumimbili; mutukanyana wavhudzi, wa mavhudzi a dzikhele, maṭo maṭuku a muronzhe? Ndi do humbulela uri uyo mme o zwi pfisa hani; musadzi muswa o nakaho, huno nga u ralo, na khotsi awe. Huno nga liñwe duvha, Mudzimu a ri, zwino, sa tsumbo; ro no vha kule, awara i do da. “Ndo u ita khotsi a dzitshakha, nga uyu mutukana, fhedzi Ndi ḥoda u tshi dzhia uyu mutukana wa gonya nae n̄ha ha thavha ine Nda do u sumbedza, huno Ndi ḥoda iwe u tshi mu vhulaha henengei n̄ha, sa tshīthavhelo.” Naa ni nga zwi humbulela izwo?

<sup>43</sup> Zwino inwi a ni athu humbelwa u ya kha mulingo wo raloho. Izwo Ha zwi iti zwino. Izwo zwe vha zwi dzitsumbo, mirunzi.

<sup>44</sup> Naa Abrahamu o ofha? Hai, mune wanga. Abrahamu o amba izwi, “Ndi a tenda tshothe uri U à kona u mu vusa vhafuni,

ngauri ndo mu ṭanganedza sa muňwe a bvaho vhafuni. Huno arali uyo mulayo wa Mudzimu wo mmbudza u ita izwi, huno nda vha a fulufhedzeaho khawo, nahone wa shuma, u nnea murwa; Mudzimu u a kona u mu vusa vhafuni; he nda mu ṭanganedza hone, sa tshifanyiso.”

<sup>45</sup> Yawee, nnenñe, khonani! Arali Mudzimu inwi Vhapentekostała a tshi ni nea Muya Mukhethwa, ni tshi amba nga dzindimi, ni tea u tenda zwinzhisa zwingafhani maanda a phodzo Yawe, na vhuvhuya Hawe na khathutshelo! Arali izwo O zwi ita, a tshi lwa na vhadivhatheolodzhi vhothe shangoni! Vho ri a zwe ngo kona u itwa, fhedzi Mudzimu o zwi ita ngauri O zwi fulufhedzisa. Zwenezwo imani na Tshigidi tshaňu, Ipfi laňu, Banga laňu, tendani Ipfi la Mudzimu. Mudzimu o amba nga u ralo, huno izwo zwi a li ladza!

<sup>46</sup> Dzhielani nzhele, zwino, zwe mu dzhia lwendo lwa maduvhva mararu u bva henefho, nga dzimeila. Zwino ndi nga tshimbila, musi ndo vha ndi tshi khou linda, ndo tshimbila maela dza furaru duvha liňwe na liňwe, sogani; huno ri na milenzhe ya pičirolo, ri tshi tou amba. Fhedzi avho vhanna, ndila i yothe ya vhuendedzi, yo vha i ya u namela donungi kana—kana u tshimbila. Huno o tshimbila lwendo lwa maduvhva mararu u bva he a vha e hone, huno zwenezwo a imisa maťo awe, nnđa sogani, huno a vhona thavha i kule.

<sup>47</sup> A dzhia Isaka huno a vhofha zwanda zwawe. Zwine, rothe ri a zwi ñivha, kha Genesi 22 hafha, ndi tshifanyiso tsha Kristo. A mu gonyisa thavhani, o vnoxwa, vhunga Yesu o gonyiswa thavhani, Thavha ya Khalívari; tshifanyiso tsha Mudzimu a tshi nea Murwa Wawe, a hu na zwiňwe.

<sup>48</sup> Fhedzi musi vha tshi swika ngei nňha, nahone e wa u thetshelesa, Isaka a thoma u sokou nga u a humbulela. A ri, “Khotsi, khuni ngedzi, alitari ngeyi, mulilo ngoyu, fhedzi tshiňhavhelo tshi ngafhi?”

<sup>49</sup> Huno Abrahamu, izwo a tshi zwi ñivha thalukanyoni yawe, Ipfi la Mudzimu li tshi kha di vha lo ima henefho nnđa, a ri, “Murwa wanga, Mudzimu u a kona u Ñibveledzela tshiňhavhelo.” A vhidza fhethu afho, “Jehovah-Jireh.”

<sup>50</sup> Huno musi o vhofha murwa wawe, o vha a tshi thetshelesa u isa lufuni; a mu vhea kha alitari, a tomola lufhangha kha tshilanda, huno a thoma u dzhia vhutshilo ha murwa wawe. Huno, musi o ita, Tshiňwe tshithu tsha fara tshanda tshawe, huno tsha ri, “Abrahamu, bvisa tshanda tshau.”

<sup>51</sup> Huno nga itsho tshifhinga, thutha ya lila, murahu hawe, nanga dzayo dzo fashwa sogani.

<sup>52</sup> Naa no no vhuya na elekanya, naa iyo thutha yo bvafhi? Elelwani, shango lo ñala dzindau na dziphele na dziphunguhwe, na izwo zwivhanda zwi laho nngu. Huno o vha e vhukule vhungafhani murahu kha vhutshilotshedza? Huno, zwenezwo,

n̄tha thavhani, hune ha sa vhe na madi. Huno o vha o no doba matombo, u mona hoṭhe, u ita alīṭari. Naa iyo thutha yo bvafhi? Ni a vhona?

<sup>53</sup> Fhedzi ho vha hu si bono. O vhulaha thutha; yo vha i na malofha. Naa o ri mini? “Mudzimu u a kona u Dibveledzela tshiṭhavhelo.”

<sup>54</sup> Ni khou yo bva hani tshiduloni itsho? *Uyo* ḥwana a re na vhufamirado ha vhuluvhi u do wana hani mutakalo, kana *inwi* u bva kha itsho tshidulo, *inwi* u bva henefho, *inwi* a re na vhuleme ha mbilu? Naho thaidzo i tshi nga vha ifhio, “Mudzimu u a kona u Dibveledzela.”

<sup>55</sup> Abrahamu o zwi tenda. Vho-khotsi vho fulufhedzea kha pfulufhedziso. Huno U nea pfulufhedziso, ya uri, “Mbeu yau! Ngauri wo tenda Ipfi ḥanga, nahone hu sa londwi uri nyimele ndi ifhio, mbeu yau i do dzhia khoro ya swina ḥayo.”

<sup>56</sup> Mulandu? Swina ḥiñwe na ḥiñwe li no da, sa tshifanyiso, li tshi lwa na Abrahamu, Abra-... Swina la, “O aluwesa. Ndo aluwesa. Zwoṭhe *izwi*, na tshiñwe na tshiñwe-vho.” O vha a tshi kha ḥi vha o fulufhedzea kha iyo pfulufhedziso.

<sup>57</sup> Zwino, munna ane a vha na ulwo lutendo, u kha di vha a no do dzhia Ipfi la Mudzimu hu sa londwi nyimele. Zwino, arali ni si nga koni u ita izwo, zwenezwo a ni Mbeu ya Abrahamu. Ulwo ndi lutendo lwe Abrahamu a vha e nalwo, Mbeu yawe.

<sup>58</sup> Pfulufhedziso ya Abrahamu yo vha i ya uri “Mbeu” yawe, zwino Mbeu yawe ya vhuhosi, na yone, sa zwe nda ni vhudza tshifhinganyana tsho fhiraho. Huno ulu luswayo lwe A lu nea Abrahamu, lwo vha lu luswayo lwa pfulufhedziso. Huno Mbeu ya vhuhosi, u ya nga Vhaefesa 4:30, yo “swaiwa nga Muya Mukhethwa,” nga murahu ha musi vho no kondèlela mulingo. Lingedzani u elekanya nga hazwo.

<sup>59</sup> Vhanzhi vha elekanya uri vho wana Muya Mukhethwa. Vhanzhi vha dzhia uri vha na Muya Mukhethwa. Vhanzhi vha kona u sumbedza vhuṭanzi vhunzhi na zwiga zwawo. Fhedzi, nangwe zwe ralo, arali u sa koni u dzula na ili Ipfi, a si Muya Mukhethwa. Ni a vhona?

<sup>60</sup> Inwi tendani Ipfi ḥiñwe na ḥiñwe, zwenezwo no swaiwa nga murahu ha mulingo. Musi ri tshi tenda pfulufhedziso iñwe na iñwe i re kha Ipfi, zwenezwo ri swaiwa nga Muya, u khwaṭhisizedza pfulufhedziso. Izwo ndi zwe, ndi zwe Abrahamu, ndila ye a zwi ita. Zwenezwo, huno zwenezwo fhedzi, riñe ri na pfanelo ya u dzhia khoro ya swina ḥashu. Inwi ni nga si kone u zwi ita u swika ni tshi thoma na vha iyo Mbeu. Elelwani, Bivhilini...

<sup>61</sup> Ndo amba nga hazwo, ngei Houston kana huñwe fhethu, huñwe...kana, ndi khou amba Dallas. *Luswayo*.

<sup>62</sup> Ni a vhona, mu—Muyuda o vha a tshi kona u sumbedza, phasi kha la Israele, uri o vha e Muyuda nga u rubiswa. Fhedzi Mudzimu o ri, “Musi Ndi tshi vhona malofha! Huno malofha kha inwi a do vha luswayo.”

<sup>63</sup> Vhutshilo he ha vha vhu malofhani ho kundelwa u da kha murabeli, ngauri, zwo ralo, ho vha hu vhutshilo ha phukha, ho vha hu tshi tou vha fhedzi murunzi u daho kha Vhutshilo ha vhukuma. Zwenezwo, khemisitiri, malofha one ane, o do tea u tswukafhadza kha vothi na mihangammbwa ya vothi.

<sup>64</sup> O dodziwa nga muhisopo, une wa tou vha tshene zwayo, zwi tshi sumbedza uri a ni tei u vha na luñwe lutendo lwa nñhesa. Ni tea fhedzi u vha na lutendo lwonolwo luthihi, lune na vha nalwo, vhunga lune na vha nalwo u bvumisa modoro wanu, na da tshivhidzoni. Ni a vhona? Vhunzhi ha vhathu vha elekanya uri vha tea u vha tshiñwe tshithu. . . . Fhedzi, hai, hai, izwo zwo khakhea. Lutendo lwonolwo zwalwo fhedzi ndi lwone lu twothe lune na tea u dodziwa Malofha ngalwo. Ipfani Ipfni, nahone ni tende Ipfni, Li dodzi, ndi zwenezwo fhedzi. Itonu doba dzitshene huñwe na huñwe henengei Palestina, ho vha hu muhisopo, tshene thukhu yo aluwaho kha mitwe ya mbondo, na u mona hothe, yo lohvewa malofhani avho huno ya vhewa kha tshiaramo na mihangammbwa.

<sup>65</sup> Huno, elelwani, a thi londi uri vho vha vhe kha mulanga zwingafhani, uri Muyuda o kona u sumbedza zwingafhani uri o rubiswa, uri o vha e muthu wavhuði hani, mulanga wothe wo dzhiwa u si wa tshithu nnndani ha musi lu—luswayo lu heneffho. “Musi Ndi tshi vhona malofha,” fhedzi.

<sup>66</sup> Zwino, Malofha zwino, Luswayo, a si khemisitiri, khemisitiri ya Malofha a Kristo, ngauri O shululwa miñwaha ya zwigidi yo fhiraho.

<sup>67</sup> Fhedzi, ni a vhona, he . . . ho do tea u vha khemisitiri heneffho, vhutshilo vhu re kha phukha ho kundelwa u da kha muthu, ngauri vhutshilo ha phukha a vhu na maya. Phukha a i ñivhi vhudi na vhuvhi. Muthu ndi ene a re na maya.

<sup>68</sup> Zwino, fhedzi musi Yesu, Murwa wa Mudzimu, o bebwaho nga musidzana, o shulula Malofha Awe, Vhutshilo he ha vha vhu kha ayo Malofha ho vha vhu Mudzimu Ene munje. Bivhili yo ri, “Ri tshidzwa nga Vhutshilo, Malofha a Mudzimu.” Hu si malofha a Muyuda, hu si malofha a Wannda; fhedzi Vhutshilo ha Mudzimu. Mudzimu o sika iyi sele ya Malofha, a bebwaho nga musidzana. Na kathihi ho ngo ñivha munna na muthihi, nahone ho ngo . . . nahone gumba a lo ngo bva khae.

<sup>69</sup> Ndi a ñivha uri vhunzhi ha vhoinwi vhathu ni toda u tenda uri gumba lo ralo. Gumba li nga si vhe hone hu si na lupfiwa, naa Mudzimu o vha a tshi do itani-ha? Ni a vhona?

<sup>70</sup> O sika gumba na sele ya Malofha vhuvhili hazwo, huno iyo yo vha i thaberenakele ya Mudzimu, khethwa. “A thi nga litshi Uyo

Mukhethwa Wanga a tshi vhona u sina.” Ni a vhona uri gumba li bvafhi? “Nahone A thi nga litshi myua Wawe vhudzulavhafu.” Muvhili Wawe wo vha u mukhethwa! Yawee, nnenne! A ni iti, ni sa koni u tenda izwo, ni nga divhidza hani Mukriste?

<sup>71</sup> “Ri tshidzwa nga Malofha a Mudzimu.” Afho ndi hune lutendo lwanga lwa vha hone. Hu si u tshimbila ngei nn̄da malofhani a muporofita, hu si u tshimbila ngei nn̄da malofhani a munna zwawe, kana mudededzi, kana mudivhatheolodzhi. Ri tshimbila heneffo Malofhani a Mudzimu. Mudzimu o ralo. U vha muthu. O shandukisa tshivhumbatsiko Tshawe. O ḥaramudza dennde Yawe fhano, na riñe, huno a vha muñwe washu. Ndi Murengululi wa Lushaka lwashu. O do tea u vha mashaka kha rine, ngauri uyo wo vha u mulayo. Mudzimu o vha muthu huno a dzula vhukati hashu.

<sup>72</sup> Dzhielani nzhele uri, nga u ita izwi, Ene a tshi bva Khae, o vha e Mudzimu, Muya, huno uyo Muya u vha kha mutendi. Ngauralo-ha, Vhutshilo he ha vha vhu kha Tshiṭhavhelo tshashu, ri divhadzwa nga Vhutshilo honoho vhuthihi.

<sup>73</sup> Zwenezwo vha nga vhona hani Vhutshilo ha Mudzimu vhu tshi khou tshimbila vhukati ha vhathe, huno vha Vhu vhidza tshithu tshi songo kunaho, ngeno Uvho vhu ndivhadzo ya Tshiṭhavhelo tshashu? “Ane a tenda kha Nñe, mishumo ine Nda ita na ene u do ita.” Vhutshilo Hawe vhu tshi khou vhuyeleta kha tshiṭha-... vhu tshi bva kha Tshiṭhavhelo, ri tshi vhea zwanda zwasu Khatsho nahone ri tshi ḫidivhadza sa vho faho kha mihibulo yashu. Zwenezwo ri nga tendela hani dinomineisheni dzi tshi ri sukumedzela ngomu ha dzindaela na zwithu, huno ra ri ri a Li tenda? Ro fa kha izwo zwithu.

<sup>74</sup> Paulo o ri, “A hu na na tshithihi tsha izwi tshi no nndina,” ngauri o vha o hungelelwa kha ambadzifhele, Kristo. Huno vhukoni vhuñwe na vhuñwe ho hungelelwa kha ambadzifhele, huno ambadzifhele wanga ndi Ipfi. Huno muñwe na muñwe-vho u ralo, o—o bebiwaho zwa vhukuma nga Muya, ambadzifhele wawe ndi Ipfi la Mudzimu. Ndo hungelelwa Khało. Ndo vhea zwanda zwanga Khało. Huno Lo dzhia fhethu hanga, huno ndo ḫidivhadza Nae. Ro zwi divha uri O fulufhedzisa u ḫidivhadza na rine. Izwo zwi disa lutendo lwa vhukumakuma; hu si lutendo Iwanu, fhedzi lutendo Lwawe; tshinwe tshithu tshine na sa tshi lange. U a zwi ita. Zwino dzhielani nzhele. Zwenezwo, nahone zwenezwo fhedzi, musi yone... ndi pfulufhedziso yo itwaho kha inwi.

<sup>75</sup> A hu londwi uri no vha murado wa zwivhidzo zwingana, no lovhedzwa kangana; tshifahañwo tshi tshi iswa phanda, tshi tshi iswa murahu, nga ndila iñwe na iñwe ine na ḫoda. U swika ulwo Luswayo lu tshi vhewa kha inwi, zwenezwo a ni na pfanelo ya u divhidza uri ni na vhuñmani na Tshiṭhavhelo tshanu.

<sup>76</sup> Huno Luswayo lwa Mudzimu ndi mini? Vhaefesa 4:30, i ri, “Ni songo pfisa Muya Mukhethwa wa Mudzimu vhutungu, we na swaiwa ngawo u swika Ḍuvha ṥa thengululo yanu.” Hu si u bva kha mvuseledzo u ya kha inwe, fhedzi no swaiwa lwa U Ya Nga Hu Sa Fheli u swika Ḍuvha ṥine na rengululelwa murahu.

<sup>77</sup> Huno, elelwani, arali ni songo vha mihibuloni ya Mudzimu na kathihi, na kathihi a ni nga vhi na Mudzimu. Ndi vhangana vha no zwi ḏivha uri O vha e murengululi? [Tshividzo tshi ri, “Amene.”—Mudz.] Zwo ralo, zwenezwo, tshiñwe na tshiñwe tsho rengululwaho tshi tea u vhuya murahu he tsha wa hone. Ngauralo arali A tshi da u ri rengulula, ri nga vha hani, vhe nga tshiñwe tshifhinga ra vha ri songo tea u rengululwa, huno roþe ro “bebela tshivhini, ra vhumbiwa vhutshinyini, ra da shangomi ri tshi khou amba mazwifhi”? Zwi sumbedza uri Mukriste wa vhukuma ndi tshitaluli tsha kuelekanye kwa Mudzimu, hu sa athu vha na shango, kana ɳaledzi, kana maya, kana tshiñwe tshithu-vho. Ndi tsha U Ya Nga Hu Sa Fheli, huno U da u ri rengulula murahu. Ndi muhumbulo wa Mudzimu, wo ambiwaho wa vha ipfi, wa vhonadzwa nahone wa re- . . . wa vhuiselwa kha muhumbulo Wawe.

<sup>78</sup> Murengululi wa Lushaka! Ndi ngazwo Mudzimu Ene mune o do tea u vha muñwe washu, u rengulula. A hu na tshiñwe tshithu-vho tshe tsha vha tshi tshi nga zwi ita. Muruñwa o kundelwa u zwi ita, a hu na tshiñwe tshithu-vho. O do tea u tsa, a lingiwa vhunga riñe, u ri rengulula.

<sup>79</sup> Dzhielani nzhele zwino mbeu ya mvelo ya Abrahamu. Kha ri tsheke dziñwe dza idzo mbeu dza mvelo, huno ri vhone arali Mudzimu o vhulunga Ipfi Lawe kha mbeu ya mvelo, ye ya vha i Isaka. Kha ri tsheke dziñwe dza mbeu dza mvelo dze dza tenda pfulufhedziso yo dalaho ya Mudzimu huno dza sa vhe na mbudziso. Zwino elelwani, ho vha hu na vha mahumi a zwigidi a tshi andiswa kazwigidi a andiswa nga zwigidi vhe vha rubiswa na tshiñwe na tshiñwe-vho, huno nangwe zwo ralo vho vha vha si Mbeu ya Abrahamu. Ngoho, “Uyo a re Muyuda nga nnđa a si Muyuda; uyo a re Muyuda nga ngomu.” Vhone, vhunzhi havho, vho kundelwa lu pfisaho vhutungu.

<sup>80</sup> Sedzani, sogani, vho ri, “Ri . . .” Ḍuvha ṥa Paseka, kana kha u nwa tshisimani, Yohane Mukhethwa 6. Vhoþe vho vha vha tshi khou pembela.

<sup>81</sup> Yesu o ri, “Ndi nñe ilo Tombo le la vha li sogani. Ndi nñe Tshinnkwa tshi bvaho Mudzimuni, tshi tshi bva Taqulu, arali munna a tshi ṥa huno a sa fe.”

<sup>82</sup> Vha ri, “Vhokhotsi ashu vho ṥa mana sogani, lwa minwaha ya fuinā.”

A ri, “Huno vhone, muñwe na muñwe, vho fa.”

<sup>83</sup> Vho fa, dzhiani ilo ipfi huno ni li sedzuluse, ni vhone zwine ṥa amba, “Vho fhandekana lwa u ya nga hu sa fheli.” Nangwe

zwo ralo, vho vha vhe mbeu ya Abrahamu. *Lufu* lu amba “u fhandekana, tshinyadzo, u lozwiwa tshoṭhe, tshinyadzo.” Yesu o ri vho fa, muňwe na muňwe wavho, nangwe vho vha vhe Vhayuda vho rubiswaho.

<sup>84</sup> Ni a vhona, mashaka a ḥungufhadzaho, fhedzi ngauri ri vha Methodisi, Baphuthisi, Puresbiterieni, ri na u qibula huṭuku, na zwithu zwi no nga izwo; diabolo u tenda zwinzhisa u tou fana na riñe.

<sup>85</sup> Fhedzi ni tea u qivhadzwa Nało. Mudzimu u tea u Li ḥanzilela khazwo, nga u swaya nga Muya Mukhethwa. Hu si na mbudziso ya Ipfi!

<sup>86</sup> Arali ni tshi ri, “Zwo ralo, zwino, izwo zwo vha zwi zwa liňwe ḫuvha,” hu na tshiňwe tshithu tsho khakheaho.

<sup>87</sup> Mini-ha arali munna a qa a tshi khou gidima, huno no mu vhudza uri tshedza tshi khou penya, huno a gidimela fhasi kha basimenne, a ri, “Ndi khou tou tshi hana. Ndi khou tou tshi hana. A hu na tshithu tsho raloho tshi no nga tshedza. A thi tshi tendi”? Hu do vha hu na tshiňwe tsho khakheaho kha uyo munna. U do vha o ḥanganana ḫohoni. Arali a tshi hana masana atsho a dudelaho na vhukoni ha u nea vhutshilo, hu na tshiňwe tsho khakheaho khae, ḫohoni.

<sup>88</sup> Huno musi munna a tshi vhona Ipfi la Mudzimu, li tshi vhewa khagala phanda hawe, nahone lo qivhadzwa, huno zwenezwo a vala nahone a kokodzela fhasi xaradeni dza dinomineisheni yawe, hu na tshiňwe tsho khakheaho kha uyo munna, lwa maya. Hu na tshiňwe tsho khakheaho khae. Hu na tshiňwe tsho khakheaho lwa maya. Ha tou kona u Li ḥanganedza. “U bofu, huno ha zwi qivhi,” u khou ya Khaṭhuloni, huno Mudzimu u do vha muhaṭuli.

<sup>89</sup> Dzhielani nzhele musi vho—vho ita izwi, na idzi mbeu zwino dze dza Li tenda, sedzani zwe zwa bvelela. Kha ri tsheke dziňwe dzadzo zwino, mbeu ya Abrahamu.

<sup>90</sup> Kha ri dzhie vhana vha Vhaheberu, ngauri vho fulufhedzea nahone a vho ngo konđelela u luvha tshifanyiso. Vho hana u gwadamela tshifanyiso tshe khosi ya lushaka ya vha yo tshi ita. Tsho itwa u fana na munna mukhethwa, na tshone-vho, tshifanyiso tsha Daniele.

<sup>91</sup> Zwo sumbedza uri lushaka lwa Vhannda lwo dzheniswa thungo ya khole-khole, ya u luvha tshifanyiso tsha munna mukhethwa. Lu bvela nnda nga ndila yeneyo nthihi, musi vhathu vha tshi do kombetshedzwa u luvha zwifanyiso zwa vhathu. Lu dzhena nga nzumbululo, ya Daniele a tshi kona u ḥalutshedza Ipfi, le la vha lo nwaliwa nga muňwalo wa tshanda kha luvhondo. Iyo ndi ndila ine lwa ngayo, ndila yeneyo nthihi, ya tshifanyiso tsha Vhannda.

<sup>92</sup> Dzhielani nzhele, vho hana u zwi ita. Huno vho itani? Vho vha vhe mbeu ya Abrahamu i fulufhedzeaho kha Ipfi, huno vha dzhia khoro ya swina, ya mulilo. Vho zwi ita. Ndi zwone, Ipfi la Mudzimu ndi ngoho.

<sup>93</sup> Daniele, o lingelwa u luvha Mudzimu muthihi wa ngoho. O lingelwa zwenezwo. Huno nga tshifhinga tsha mulingo, a kunda mulingo. Huno Mudzimu o itani, nga murahu ha musi two vhonala zwi tshi nga tshipisi dzawe fhasi, sa zwe ra vha ri tshi do amba? Huno a vho ngo divha zwe vha vha tshi nga ita. Vho vha vha tshi khou yo fusha ndau ngae. Fhedzi Daniele o fulufhedzea kha mulingo, wa uri hu na Mudzimu muthihi wa ngoho, huno a dzhia khoro ya swina lawe. Mudzimu o vha o no vala mulomo wa ndau.

<sup>94</sup> Mushe o fulufhedzea kha ipfi lo fulufhedziswaho, phanda ha vhaedzisi vha khole-khole, Yamburesi na Yannesi, mulingtoni. Sedzani, Mudzimu o tangana nae, nga zwa nthā ha mupo, a mu vhudza uri a ye u ita izwi zwithu, a sumbedze izwi zwiga, huno tshiga tshiñwe na tshiñwe tshi do vha na ipfi. Mushe a tsela heneffo fhasi, nga u fulufhedzea u ya nga he a divha. A posela mbada fhasi, huno dza shanduka dza vha nowa. Ni a divha zwe zwa bvelela? Ngevha vhaedzisi vha a da nahone vha ita zwenezwo zwithihi.

<sup>95</sup> Zwino, Mushe ho ngo posela zwanda zwawe nthā, a ri, "Zwo ralo, ndi a humbulela zwe the zwe khakhea." O dzula heneffo nahone a lindela Mudzimu. O fulufhedzea. A hu londwi uri vhaedzisi vho vha vhe vhangana, o fulufhedzea. Huno musi o fulufhedzea kha ndaela yawe, u bvisa avho vhathu afho fhethu. Musi madzi a khoro o thivha ndila yawe, Mudzimu o mu tendela u i dzhia, huno A vula khoro nga Khavhu ya Mulilo ye ya vha yo mu ranga phanda. A dzhia vhathu a vha isa shangoni lo fulufhedziswaho.

<sup>96</sup> Yoshua, munwe murangaphanda muhulwane. Ndi vhavhili fhedzi kha vha...vhe vha ya shangoni lo fulufhedziswaho, Yoshua na Kalebe. Vho da fhethu hu no pfi Kadeshe, he ha vha hu vhukati ha shango nga itscho tshifhinga, lwe nga maanda afho ho vha hu tshidzulo tsha khañhulo. Huno, oo, vha rumu tholi dza fumimbili u yo sedza shango, huno vha fumimbili vhavho vha vhuya.

<sup>97</sup> Vha fumi vhavho vha ri, "Oo, ndi mushumo munzhisa. Ro tou kundelwa u u ita. Zwo ralo, avho vhathu, ri nga dzinzie nga thungo yavho."

<sup>98</sup> Fhedzi Yoshua o itani? O fhumudza vhathu. A ri, "Imani lwa tshifhinganyana. Ri a kona u firisa u li dzhia, hu sa londwi uri ri vhañku hani, kana ri vha si gathi zwingafhani." Naa o vha a tshi khou itani? O vha a tshi khou fulufhedzea kha iyo pfulufhedziso, "Ndi ni nea ili shango," fhedzi ni lwela intshi inwe na inwe yalo.

<sup>99</sup> Naa vha a zwi tenda izwo, mma? Mudzimu o vha nea phodzo yavho, fhedzi vha do lwela intshi iñwe na iñwe yayo. “Huñwe na huñwe hune lwayo lwa milenzhe yanu lwa kanda, afho Ndi do ni nea ha vha hanu.” *Nayo* zwi amba “ha vha hanu.” Hothe ndi hanu, pfulufhedziso iñwe na iñwe ndi yanu, fhedzi ni do lwela intshi iñwe ya ndila ya u dzhena zwino.

<sup>100</sup> Zwino, Yoshua o divha zwe Mudzimu a amba. O vha e mbeu ya Abrahamu. Ni a vhona? O ri, “Ndi a tenda uri, uri Mudzimu o ri nea shango, huno ri a kona u fhirisa u li dzhia.” Huno ngauri o kunda mulingo, wa u lwa na tshigwada tshothe tsha Vhaisraele, tshakha dzothe na vhathu vhothe vha gungula nahone vha lila. Yoshua a ri, “Fhumulani! Mudzimu o ita pfulufhedziso.”

<sup>101</sup> A hu londwi uri ni muhulu hani, na uri khanedzo ndi nzani, na uri dokotela o ri mini, Mudzimu u nea pfulufhedziso. Zwi kha Mudzimu u zwi ita.

<sup>102</sup> Naa o itani? Musi a tshi tsela fhasi mulamboni wa Yorodane, o dzhia khoro. Izwo ndi zwe a—a ita.

<sup>103</sup> Yeriko, wo vala vhunga tshibode kha khumba. Naa o itani? O dzhia khoro.

<sup>104</sup> Na nga liñwe duvha musi swina lawe lo vha li tshi khou lingedza u mu dzhia, o dzhia khoro ya swina lawe zwihihulusa lwe a laya duvha uri li ime. Huno duvha la mu thetshelesa, huno la sa mone na kathihi lwa awara dza fumbiliina.

<sup>105</sup> Mudzimu u a fulufhedzea kha pfulufhedziso Yawe, hu sa londwi zwine A tea u ita; u do shaisa Mañadulu A sa athu tendela Ipfi Lawe u kundiwa. Na kathihi Ho ngo ita pfulufhedziso ine A nga si kone u i vhulunga. “Ndi nne Murena a fhodzaho malwadze au othe. Arali vha vhea zwanda kha vhalwadze, vha do fhola.” Amene. “Arali ni tshi nga tenda, zwithu zwe the zwi a konadzea.”

<sup>106</sup> Yoshua o zwi tenda, naho Mudzimu o do tea u imisa lifhasi u mona. A li fara henefhalo nga mañwe Maanda, maanda A Ene munę; zwe shango la sa mone na kathihi lwa awara dza fumbiliina, u swika Yoshua a tshi dilifhedzela kha swina lawe. A dzhia dzikhoro. Zwa vhukuma, o ralo. Mudzimu u a fulufhedzea misi yothe.

<sup>107</sup> Zwino ndi tama ngavhe ro vha ri na tshifhinga tsha u ya kha vhahali vha tshinnani vho engedzeaho, fhedzi ndi na miniti i no toðou swika fumi zwino. Sedzani, avha vhahali vha tshinnani vha vhuthogwa, sa zwe vha vha vhe zwone, na maswole mahulwane a lutendo, vhothe vho fa khoroni ya lufu. Vhothe vho lovha, henefho khoroni ya lufu.

<sup>108</sup> Zwenezwo ha da Mbeu ya Vhuhosi ya Abrahamu. Vhothe vho vha vhe mbeu ya mvelo, u bva nga Isaka. Fhedzi hafha hu da Mbeu ya Vhuhosi ya Abrahamu, ye ya vha i Kristo, Mbeu ya Abrahamu ya lutendo; zwine ra tea u vha zwone, u vhona fhedzi uri kana ri zwone kana hai. Mbeu ya mvelo yo vha i tshifanyiso

fhedzi. Vhañwe vhothe vho bebwa nga mbebo ya mvelo, fhedzi Ene u ða nga mbebo ya musidzana. Ni a vhona, uyo o vha a si wa mbeu ya Abrahamu, tshifhingani itsho, Muyuda. Ene u ða nga mbeu ya lutendo ya pfufuhedziso. Huno, zwenezwo, ri tea u vha vhana Vhawe, nga uyu Munna.

<sup>109</sup> Sedzani zwe A ita. Musi O vha e kha lifhasi, O kunda nahone a dzhia khoro iñwe na iñwe ye swina la vha li nayo; Mbeu ya Vhuhosi. O i fulufhedzisa nga Ipfi. O i kunda. O kunda khoro ya vhulwadze, u itela riñe. Izwo ndi zwine A ða u zwi ita. Ene, elelwani, vhathu vha lwalaho, O kunda iyo khoro. Inwi a ni tei u i kunda; O i kunda. Vhanwe vhanna vho do tea u kunda khoro yavho. Fhedzi inwi a ni tei u kunda; yo no ði kundiwa. O kunda khoro dza vhulwadze. Huno O itani musi O kunda khoro dza vhulwadze, a tshi ri U do ralo? “Tshine na humbela kha lifhasi, na tshe na vhofha kha lifhasi, U do tshi vhofha ngei Taðulu,” a ri ñea khii dza khoro.

<sup>110</sup> O kunda khoro ya mulingo, nga Ipfi. Huno khii dzo vha dzi, “Ilwani na swina, huno li do ni shavha.” O zwi kunda zweþe; o kunda vhulwadze vhuñwe na vhuñwe.

<sup>111</sup> O kunda lufu, nahone A kunda vhudzulavhafu. O kunda lufu na vhudzulavhafu. O kunda zwe vhañwe vha kundelwa u zwi kunda, ngauri vhe vha mbeu ya mvelo. Iyi ndi Mbeu ya maya. O kunda khoro ya tshalo, huno a vuwa nga ñuvha la vhuraru, u itela u itwa vho lugaho hashu.

<sup>112</sup> “Huno zwino ri fhira vhakundi.” Ri tou tshimbila ra dzhena ngomu hayo, sa ifa, “U fhira vhakundi.” Zwino ri khou shuma na swina lo kundwaho. Vhulwadze ho kundiwa. Lufu lwo kundiwa. Vhudzulavhafu ho kundiwa. Tshiñwe na tshiñwe tsho kundiwa. Yawee, nñenñe! Ndi tama ngavhe ndo vha ndi vhuhulu hanga kavhili, zwino khamusi ndi pfa ndi wavhudí kavhili. Ri khou taþisana na swina lo kundwaho.

<sup>113</sup> A zwi mangadzi Paulo o amba, musi vha tshi khou fhaþa buloko, u rema þohoho yawe, a ri, “Oo lufu, naa luvholela lwau lu ngafhi? Ntsumbedze hune u nga nnyita uri ndi tshinatshine na u zhamba. Tshalo, naa gundo lau li ngafhi, huno u elekanya uri u ðo mmbumba ngeyo nnða? Ndi ðo u sumbedza tshi si na tshithu hangei; huno nñe ndi Khae, U ðo mmvusa nga ñuvha la u fhedzisela.” Swina lo kundwaho!

<sup>114</sup> Mbeu ya Vhuhosi ya Abrahamu! Zwino, mbeu ya mvelo a yo ngo kona u i sumba Iyo. Fhedzi Mbeu ya Vhuhosi i kona u kunda, yo no ði kunda, ngauri O no ðuwa phanda hashu nahone a ri kundela khoro iñwe na iñwe. Zwino U, nga murahu, ha miñwaha ya zwigidi zwivhili, O ima vhukati hashu, Mukundi wa maanda. Ho ngo kunda vhulwadze fhedzi... O kunda vhulwadze. O kunda mulingo. O kunda swina liñwe na liñwe. O kunda lufu. O kunda vhudzulavhafu. O kunda tshalo, huno a dovha a vuwa. Huno nga murahu ha miñwaha ya zwigidi zwivhili, ngyoy O ima

vhukati hashu, masiari ano, a tshi khou Didivhadza, Mukundi wa maanda! Amene. U kha di vha fhano, a tshi khou tshila, a tshi khou khwaṭhisa pfulufhedziso Yawe, Mbeu ya Vhuhosi ya Abrahamu! Yawee, nnenñe! Huno swina li do . . .

<sup>115</sup> “U do kunda khorø dza swina ḥawø.” Kha avho, Mbeu, O ima fhano a tshi khou tshila u Dikhwathisedza kha nnyi? Idzo Mbeu dzo tiwaho dzi konahø u zwi vhona. O zwi kunda izwo. Vhane, nga murahu ha mulingo wawe, wa pfulufhedziso ya Ipfi, vha swaiwa nga Muya Mukhethwa, ngomu Muvhilini wa Kristo, khavho ho khwaṭhisedzwa (mini?) Vhaheberu 13:8 uri yo tou ralo. Vho swaiwa ngomu henehfo nga Muya Mukhethwa, uyo Muya Mukhethwa we wa vha u nga . . . Abrahamu o zwi vhonela phanda; nga lutendo a zwi tenda. Huno zwino ri a U ḥanganedza, ri tshi sedza murahu kha pfulufhedziso ya zwe A amba. Huno Yohane 14:12 i khou khwathisedzwa maduvhani aya a u fhedzisela, nga Mukundi o vuwaho, Ene muñe.

<sup>116</sup> A si iñwe sisteme; fhedzi Muthu, Kristo, Mukundi. Hu si tshivhidzo tshanga, hu si tshivhidzo tshanga tsha Baphuthisi, kana Puresbiterieni yanu, Methodisi, kana Vhapentekostała, hu si nga izwo; fhedzi nga Yesu Kristo. U a tshila ñamusi. O vuwa nga nt̄ha ha izwo, u itela u itwa vho lugaho hashu.

<sup>117</sup> Huno ngauri U a tshila, O ri na riñe ri do tshila. “Muthu ha tshili nga tshinnkwa fhedzi, fhedzi nga Ipfi liñwe na liñwe,” hu si tshipida tsha Ipfi, “Ipfi liñwe na liñwe li no bva mulomoni wa Mudzimu.” “Ndi nñe Mvuwo na Vhutshilo. Ane a Ntenda, naho o fa, nangwe zwe ralo u do tshila. Ane a tshila nahone a tshi Ntenda ha nga fi na kathihi. Ni a zwi tenda izwi?” Dzhiani khoro ya swina liñwe na liñwe!

<sup>118</sup> O vha a tshi nga kona u kunda Bosworth hani, ngeno Mudzimu . . . Bosworth o vha e kha Mukundi. Huno ndi ngazwo o ri, “Awara ya dakalo nga maandesa ya vhutshilo hanga ndi ya zwa zwino.” Uh-huh. O dñivha uyo Mukundi wa Maanda. Fhulufhedziso Yawe i Khae. Yawee, nnenñe! Zwino ri nga imba:

A tshi tshila, O mpfuna; a tshi fa, O ntshidza;  
O swiṭwa, O ṭuwisa zwiyihi zwanga;  
A tshi vuwa, O ita o lugaho nga fhedzi lwa lini  
na lini;  
Liñwe ḫuvha U khou da, Oo ḫuvha la vhugala!

<sup>119</sup> Kha avho vha vhonalah vho kundiwa. Eddy Perronet, ndi tenda uri o vha e ene, o kundelwa u rengisa nyimbo dzawe dza Tshikriste. A hu na muthu we a dzi ḫoda. A vho ngo vha na mushumo nadzo. Oo, o kundwaho, nahone mutendi! Liñwe ḫuvha, Muya Mukhethwa wa da khae. Khoro ya swina ḥawø, ye ya si ḥanganedze litheretsha yawe! Muya wa mu kwama, huno a dzhuvhula pene, Mudzimu a mu tendela u ñwala luimbo lwa u rwela ḫari.

Nōthe loshani maanda a Dzina la Yesu!  
 Vharunwa kha vha shuvhame;  
 Bveledzani khare ya vhuhosi,  
 Huno ni Mu vhumbe Murena wa vhōthe.

<sup>120</sup> Fanny Crosby wa bofu, tshiñwe tshifhinga. Ha pfi, “Naa zwi ambani kha inwi?” Vhañwe... Ho ngo rengisa vhutanzhe hawe vhunga Mupentekostała Elvis Presley o ralo, kana vhunga tshivhidzo-tsha-Kristo Boone o ralo, kana vhunga Red Folley o ralo, vha tshi khou rengisela shango talente dzavho; vha na mishinzhi ya Cadillacs, na rekmodo dza dolara dza milioni, dza musuku. Fhedzi Fanny Crosby o fulufhedzea fhethu hawe. O zhamba:

U songo mphira, Oo Mutshidzi wa vhulenda,  
 Ipfa tshililo tsho tukufhalaho tshanga;  
 Musi U tshi vhidza vhañwe,  
 U songo mphira.

Iwe Mulambwana wa khuthadzo yanga yōthe,  
 U fhiraho vhutshilo kha nne,  
 Ndi nnyi ane nda vha nae kha lifhasi nga nn̄da  
 ha Iwe?  
 Kana ndi nnyi Tađulu nga nn̄da ha Iwe?

<sup>121</sup> Vha ri, “Mini-ha arali ni bofu musi ni tshi swika Tađulu?”  
 A ri, “Ndi do Mu ñivha, naho zwo ralo.”  
 Ha pfi, “Ni do Mu ñivha hani?”  
 Ha pfi, “Ndi do Mu ñivha.”

Ha pfi, “Vho-Mme Crosby, no vha ni tshi nga ita dolara dza milioni.”

A ri, “A thi ñodi dolara dza milioni.”

<sup>122</sup> “Ni do Mu ñivha hani?” A ri:

Ndi do Mu ñivha, ndi do Mu ñivha,  
 Huno ndo rengululwa nga thungo Yawe ndi do  
 ima;  
 Ndi do Mu ñivha, ndi do Mu ñivha.

<sup>123</sup> “Arali ndi sa koni u Mu vhona, ndi do phuphuledza khando dza zwibigiri zwandani Zwawe.” A kunda khoro ya swina lawe. Ee.

<sup>124</sup> Arali ni kha Kristo! O ri, “Arali ni tshi dzula kha Nne, na Maipfi Anga a dzula kha inwi; humbelani khii ine na ñoda, humbelani khoro ine na ñoda u i dzhia; humbelani tshire na funa, huno ni do ñewa. Arali ni tshi dzula kha Nne, huno Ipfi Langa la dzula kha inwi, ni nga dzhia khoro inwe na inwe ya swina i no da phanđa hanu.” Ni Mbeu ya vhuhosi ya Abrahamu.

<sup>125</sup> Naa ndi khoro ya lushaka-de yo imaho phanda hanu? Arali i vhulwadze, ni fhira mukundi khayo. Zwenezwo ri nga ri, imbanu ulu luimbo lwa kale lwa tshilidzi:

Pfulufhedziso iñwe na iñwe Buguni ndi yanga,  
 Ndima iñwe na iñwe, ndimana iñwe na iñwe  
 ndi... huno ndi Khethwa nga maanda,  
 Ndi fulufhela kha lufuno Lwawe Lukhethwa,  
 Ngauri pfulufhedziso iñwe na iñwe Buguni ndi  
 yanga.

<sup>126</sup> Ri fhira mukundi, huno Mbeu ya Abrahamu i do dzhia khoro  
 ya swina! Musi vha tshi ri izwi Zwithu zwi nga si bvelele, musi  
 vha tshi todou U vhidza diabolo, kana Belesebulu, kana tshiñwe  
 tshithu-vho, Mudzimu u na ngoho ya u kunda khoro iñwe na  
 iñwe huno a dzhia swina.

Kha ri rabele.

<sup>127</sup> Murena, ngavhe Mbeu ya Abrahamu... ndi a qivha uri vha  
 do Li vhona, Murena. Ilo Ipfi li nga wa hani nndani ha u rwa  
 ayo Mavu a vhukuma? Ndi rabela uri vha do pfesesa zwino.  
 Ngavhe muthu muñwe na muñwe a no da muđubani wa thabelo  
 a tshi fhola.

<sup>128</sup> Murena, arali hu kha di vha na vhañwe ngomu hafha, vhane  
 vha vha uri a vha athu dibula, vha songo imaho phanda ha  
 vhathu huno vha imela Kristo, vho lugela u hana ndaela dzothe  
 na zwithu zwi rotholaho, zwa maitele, zwo faho zwo vha tüsaho  
 kha Iwe. Huno ngavhe vha tshi ima zwino, huno vha ri, "Ndi do  
 Mu tanganedza sa Mutshidzi wanga." Zwenezwo U do vha imela  
 nga ilo Duvha.

<sup>129</sup> Musi ro kotamisa zwifhađuwo zwashu, arali hu na avho vha  
 no takalela u ima lwa tshifhinganyana, u itela thabelo, kha vha  
 ri, "Ndi todou Mu imela zwino, uri U do nnyimela nga ilo Duvha,  
 Vhuhoneni Hawe Vhukhethwa." Ndi a ni humbelo, nähone nda  
 ni nea tshifhinga tsha uri dzina lanu li vhewe kha Bugu ya  
 Vhutshilo, arali ni tshi do ima. A thi khou ni humbelo u da kha  
 Kristo, arali ni fhano huno ni sa Mu qivhi.

<sup>130</sup> Mudzimu a ni fhađutshedze, murwa. Hu na muñwe, a no  
 ri, "Ndi—ndi todou ima zwino." Mudzimu a ni fhađutshedze,  
 mufumakadzi. Mudzimu a ni fhađutshedze, khaladzi anga.  
 "Ndi todou..." Mudzimu a ni fhađutshedze. Mudzimu a ni  
 fhađutshedze. "Ndi dzhia vhuimo hanga, masiari ano." Avha  
 vhathu vhavhudzi, vhanna na vhasadzi, vho imaho, "Ndi do dzhia  
 vhuimo hanga, masiari ano."

<sup>131</sup> Huno nga ilo duvha musi dokotela a tshi ri, "Ndi zwone,  
 u pwashekana; malofha awe a khou shuluwa, lufu lu kha wa  
 mununa, kana kha wa musadzi." Kana, nga mañwe matsheloni, ni  
 do elelwa vhuimo hanu. Ni a Mu imela zwino.

<sup>132</sup> "Arali ni tshi Ntshona phanda ha muthu, Ndi do ni shona  
 phanda ha Khotsi Anga na Vharuñwa vhakhethwa. Fhedzi arali  
 ni tshi do Nnyamba phanda ha muthu, uyo Ndi do mu amba  
 phanda ha Khotsi Anga na Vharuñwa vhakhethwa."

<sup>133</sup> Mudzimu a ni fhaṭutshedze, khaladzi anga. Naa hu ḥo vha na vhañwe kha madzulo a n̄ha huñwe fhethu? Zwa zwino, musi ro lindela. Vhañwe vhavḥo, vho engedzeaho kha tshitizi tshihulwane? Zwo luga. Ndi dzhia zwine na amba, khonani.

<sup>134</sup> Arali Ipfi ḥi tshi wela Mavuni o nonaho, vhunga musadzi muñuku tshisimani, o—o pfesesa. O imelwa ngei Ṭadulu, u bva muthe... phanda ha mutheo wa shango. Musi itsho Tshedza tshi tshi Li kwama, a Li limuwa.

<sup>135</sup> Mudzimu a ni fhaṭutshedze, mukomana wanga. Uyo ndi wavhud... Mudzimu a ni fhaṭutshedze, mukomana wanga. Ni nga ḫi vha no ita zwithu zwihiulwane vhutshiloni hanu; ni khou ita tshithu tshihulwanesa tshe na vhuya na ita, zwino, imelani Kristo.

<sup>136</sup> Khotsi ashu wa Ṭadulu, mbeu yo wela kha mañwe mavu, masiari ano. Ri vhona Vhutshilo vhu tshi ṭavhanya u aluwa. Vhanna na vhasadzi vho ima nga milenzhe yavho, huno iṭo ḥi vhonaho zweṭhe la Mudzimu, Ane a vha hothe-hoṭhe, a divhaho zweṭhe, a konaho zweṭhe, ḥi a vha vhona. Ndi Vhau, Khotsi. Ndi vha ḥekedza kha Iwe zwino, sa dzikhaphu.

<sup>137</sup> Ngavhe iyi tshenzhemo yavho ya u ima heneffo zwino, vha tshi divha zwe vha ita, vha tshi divha uri izwi zwi ambanı, uri vha ima uri vha dzhie vhuimo havho na vha si gathi vho nyadziwaho vha Murena. Ngavhe vha tshi dzula vha tshi fulufhedzea u swika nga ilo Duvha vha tshi ima Vhuhoneni Hau, zwenezwo ilo Ipfi lavhudī ḥi ḫo ri, “Ee, linwe duvha ngei Baton Rouge, kana fhethu luṭuku hu no pfi Denham Springs, o Nnyimela, Khotsi, zwino Ndi ḫo mu imela wa munna, kana wa musadzi.” Zwi tendele, Murena. Ndi Vhau, Dzinani la Yesu. Amene.

Mudzimu a ni fhaṭutshedze, nga vhuimo hanu. Mudzimu misi yoth... .

<sup>138</sup> Zwino nnyiteleni itshi tshithu tshithihi. Wanani, arali ni hune avha vhafunzi vha vha hone, vhonani vha si gathi, ni ambe navho. Arali ni sa athu lovhedzwa, nga ndovhedzo ya Tshikriste, itani nga u ralo. Didzheniseni vhukati ha vhatendi zwino, vhatendi vha vhukuma, hu si vhadzia-u-điitisa; vhatendi vha vhukuma.

Musi ri tshi khou rabela, kha ri rabelele idzi sagaduku.

<sup>139</sup> Khotsi wa Ṭadulu, idzi sagaduku dzi a bva zwino; hune, a thi divhi. Khamusi muñwe khotsi wa bofu o aluwaho o dzulaho ngeno nnda matzhafani mañuku huñwe fhethu, o lindela iyi sagaduku uri i de; lushie luṭuku lwo edelaho heneffo mmbeteni wa sibadela; mma vho ima, vho hanganea, vho lindela u vhuya ha sagaduku. Khotsi wa Ṭadulu, ndi rabela uri U ḫo ḫuwa nadzo. Huno u itela luswayo lwa Vhuhone Hau ḥamusi, na lutendo lwashu kha Iwe vhunga ro rera Ipfi Lau, ngavhe lutendo lwe lwa vha lu kha Abrahamu, na lutendo lwe lwa bveledzwa nahone lwa ḥewa riñe nga Yesu Kristo, ngavhe lu tshi ḫuwa na idzi sagaduku

huno lwa fhodza muñwe na muñwe a no ambadzwa. Ri a dzi rumela, Dzinani la Yesu. Amene.

<sup>140</sup> Zwino lwa tshifhinganyana, ri sa athu vhidza muduba wa thabelo. Mudzimu a konaho zwothe wa maanda, Uyo muhulwane, Ene u-edana-hothe... Ndi a humbelo, dzikhonani, ndi—ndi khou yo thoma u rabelela vhalwadze, nahone ndi... Thańwe, musi ri tshi tsela fhasi, ndi—ndi nga di tea u sa ni vhudza tshithu; vhańwe vhanu ni nga kha di ȳuwa itsho tshifhinga tshi sa athu swika. Zwine na vha zwone, arali ni songo vhuya na ima, tshifhinganyana tsho fhiraho, huno ni si na ngoho...

<sup>141</sup> Arali ni murado wa tshivhidzo, itsho ndi tshithu tshavhudzi, fhedzi itsho a si tshavhudzi lwo edanaho. Ni a vhona, muvhusi muswa wa mupfumi o vha e murado wa tshivhidzo. Ni a vhona? O vhudzisa Yesu uri a nga itani uri a vhe na Vhutshilo Vhu Sa Pheli. Ho ngo Vhu ȳanganedza na kathihi. O dijtutshela. O ita tshithu tsha vhutsilu hani uyo muthannga. Ni songo dzhia fhetu hawe. Ni a elelwa tshifhinga tsho fhiraho o vha o divhadzwa? Ngavhuyanyana, zwa mu nakela. A pfuma. O swika he na maqulu awe a dalesa. Fhedzi zwenezwo ri wana ndivhadzvo yawe ya u fhedza, vhudzulavhafu, khavhu dzi tshi khou shengedza. Ni songo, ni songo tenda izwo zwi tshi bvelela kha inwi. Tanganedzani Kristo.

<sup>142</sup> Vhoiñwi vhatu vhaswa, vhoiñwi vhasidzana vhaswa, vhatukana vhaswa, heneffo kha u shanduka ha vhutshilo, ndi humbelo uri ni ite zwenezwo. Mpfeni, sa—sa mukomana wa vhoiñwi, a no ni funa. Ndi fhano ngauri ndi a ni funa. Ndi funa Mudzimu, huno ndi a ni funa, huno ndi nga si kone u funa Mudzimu arali ndi sa ni funi.

<sup>143</sup> Ndi do takalela uri, arali ni na muhumbulo une na ȳodou bula, u buleleni murwa wanga ngei nn̄da, kana muñwe wa vhananga. I ri ni ndi tou... ndi, ndi do ȳuwa ndi si nawo. Mubebi muñwe na muñwe u do ita zwenezwo; na Mudzimu u do ralo. Ni a vhona? Funani vhatu Vhawe. Funanani.

<sup>144</sup> Inwi ni ri, “Naa ni vha semelani?” Lufuno lwa vhukumakuma lu a khakhulula.

<sup>145</sup> Arali ȳwana wanu o dzula nn̄da tshițaratani; na ri, “Zwo vhfifa, Junior ngoulāa o dzula. Ho ngo tea u ita hezwo, fhedzi a thi ȳodi u vhaisa vhudipfi haweh vułuku.” A ni mu funi. U do vhulawa heneffo. Arali ni tshi mu funa, ni do mu dzhenisa ngomu huno na mu vhanda. Ni do mu ita uri a thetshelese.

<sup>146</sup> Iyo ndi ndila ine Mudzimu a ita. Lufuno lu a khakhulula, huno ulwo ndi lufuno lwa vhukumakuma.

<sup>147</sup> Musi mureri a tshi ima huno a litsha vhoiñwi vhasadzi ni tshi fhungudzela mavhudzi anu, huno na ambara pennde na zwithu, huno a sa ni khakhulule, a hu na lufuno lwa vhukumakuma heneffo; huno a nga si ambe uri two bva. Huno

inwi munna a ni litsha ni tshi mala luraru kana luṇa, na izwi zwiňwe zwithu zweþhe, huno na bvela phanda nazwo, a hu na lufuno lwa vhukumakuma heneffo. A ni litsha na vha murado wa tshivhidzo, huno a ni phaphatha muþanani, nahone a ni femelekisa nga iñwe ndaela, zwenezwo, "Ndi zwenezwo fhedzi zwine na tea u ita, ndi u vha murado wa tshivhidzo tshikhethwa," a hu na lufuno heneffo. Kana, tshiňwe tshazwo, uyo munna o xela tshoþhe-tshoþhe, ene muñe, ha vhone.

<sup>148</sup> Lufuno lwa vhukumakuma lu a khakhulula, huno lu ni vhuyedzedza kha Ipfi la Mudzimu.

<sup>149</sup> Sedzani Yesu, uri hani, zwe A amba, ngauri O vha funa, nga maanda lwe A fa vhuimoni havho, musi vha tshi khou vhidzelela na Malofha Awe.

<sup>150</sup> Zwino ngavhe Muya Mukhethwa muhulwane...ndi Ȳodou lindela lwa tshifhinganyana. Ndi khou lindela u swika nđodzo ya Muya Mukhethwa i tshi da kha nñe, ri sa athu thoma. Ndo vha ndi tshi khou rera. Ndi a ni livhuwa, tshumisano ya vhoiñwi.

<sup>151</sup> Zwino, muñwe na muñwe ngomu hafha, huñwe na huñwe hune na vha hone, huñwe na huñwe-vho ngomu tshifhaþtoni, rabelani lwa tshifhinganyana, ni ri, "Murena Yesu, nthuse! Nthuse! I ri ndi kwame tshiambaro Tshau." Yesu o ralo, ni a ñivha, musi musadzi o kwama tshiambaro Tshawe, Ho ngo zwi pfa, kha muvhili, fhedzi O rembuluwa huno a ñivha uri ho vha hu nnyi na zwe a ita. Ndi onoyo Yesu muthihi masiari ano, Tshifhe Muhulu ane a kona u kwamiwa nga vhudipfi ha u shaya nungo hashu.

<sup>152</sup> Naa ni a tenda, muñwe na muñwe wa vhoiñwi zwino, zwauri ndi ngoho, uri Mudzimu we a ita iyi pfufledziso, luthihi hafhu (huno ngavhe A tshi zwi sumbedza) uri ri khou tshila maðuvhani a Sodoma? Ndi vhangana vhanie izwo vha zwi tenda, ngomu tshifhaþtoni, itonu imisa tshanda tshañu.

<sup>153</sup> Ri khou tshila, sa zwe zwa vha zwi zwone, Sodoma. Sisteme yoþhe yo tshikafhala, sisteme ya shango, tshiňwe na tshiňwe, sisteme ya tshivhidzo, sisteme ya politiki. A hu na tshithu. Politiki i na vhuada nga maanda. Dzisisteme, hoþhe-hoþhe, khunzi dzashu, ndi vhuada zweþhe. Tshivhidzo tsho no vha nga ndila i fanaho. Miþa yo no vha nga ndila i fanaho. I tou vha vhuada, Sodoma!

<sup>154</sup> Zwenezwo, elelwani, Mudzimu u na izwo phanda hanu, zwenezwo elelwani uri O amba zwauri U do Diimela e ñamani ya muthu, nahone u ño ita vhunga O ita phanda ha Sodoma, Murwa o fulufledziswaho a sa athu da vhuponi. O fulufledzisa u rumela muñwe a no ño ranga phanda uyo Murwa o fulufledziswaho, sa zwe A ita lwa u thoma, zwine zwa do ñivhadza; huno O ri, "Musi Murwa-muthu a tshi khou dzumbululwa."

<sup>155</sup> A thi ni ñivhi inwi. Zwo ralo, Mufumakadzana Thompson, uvho vhuleme ha tshisadzini na vhukondisi, ni a tenda uri

Mudzimu u do ni nea mutakalo? Ni nga zwi tenda? Ni do ralo? Mufumakadzana, Mufumakadzana Thomas, ni a tenda uri U do ni nea mutakalo? Imisani zwanda zwañu, zwenezwo.

<sup>156</sup> Hu na mufumakadzi o dzulaho heneffo murahu hañu. U khou rabela. U na aþhiraithisi.

<sup>157</sup> Uyo o dzulaho tsini hawe, ndi vhuleme ha dangani, u khou rabela na ene. Ni khou yo balelwa u i wana, ni sa fhañuvi. A ni bvi fhano. Ni bva Mississippi. Ni Vho-na Vho-Mme Kramer. Arali ni tshi tenda nga mbilu yanu yoþhe, Yesu Kristo u do ni fhodza. Arali ni tshi nga zwi tenda. Naa ni a ralo? Zwenezwo ni nga i þanganedza. Zwo luga. Imisani zwanda zwañu uri vhathu vha vhone uri ndi inwi.

<sup>158</sup> A thi vha ðivhi avho vhathu. Na kathihi a thi athu vha vhona, vhutshiloni hanga. Ni tea u tenda, khonani. U khou Didivhadza. Naa izwo ni a zwi tenda, nga mbilu yanu yoþhe? [Tshivhidzo tshi ri, "Amene."—Mudz.]

<sup>159</sup> Ndi ngani no dzungudza þoho yanu, muñe wanga, huno na ntsedza nga u ralo? Ee, muñe wanga. Ngauri izwo no zwi ita, ndi khou yo amba na inwi lwa tshifhinganyana. Ni nga ni nzhinga yo aluwaho yo dzulaho henehafha, yo ntsedza. A ntsedza, e na vhufulufhedzei nga maanda. O zwi tenda. Ni khou rabelela muñwe muthu we a vha na tshitiroku. Fhedzi—fhedzi tshithu tshihulwane tshañu ni no khou tshi rabelela, ni no tshi þoda, ni khou þoda ndovhedzo ya Muya Mukhethwa. Izwo ndi zwone. Uh-huh. Izwo ndi zwone. Arali ni tshi zwi tenda! Mufumakadzi, ni khou þoda mushumo. Nga nn̄da ha hezwo, uri ni kone u ðivha uri nne ndi muporofita wa Mudzimu, kana mulanda, no no vha na miaro mivhili. Yo ni sia ni tshi nga no fhela nungo. Tshakha dzoþhe dza nyimele, vhuleme ha lwa muya. Ndi þodou ni vhudza uri zweþhe zwo dzudzanye. Lutendo lwañu lu ni nea mutakalo.

<sup>160</sup> [Tshikhala kha theiphi—Mudz.] . . . o dzulaho heneffo tsini na inwi heneffo. U khou rabela. Sedzani ngeno. O ni pfa, nahone no Mu kwama. Thi ni ðivhi, fhedzi U a ralo. Ndi do ni vhudza tshe na vha ni tshi khou rabela nga hatsho. Ni a tenda nga mbilu yanu yoþhe? Ni na vhuleme ha tshavhuñgu, ni khou rabela. Ni a tenda uri Mudzimu u do ni fhodza huno a ni nea mutakalo? Inwi ni Vho-Mme Smith. Izwo ndi zwone. Imisani tshanda tshañu.

<sup>161</sup> Ni a vhona, U khou Didivhadza. Naa ndi mini? Ndi Mbeu ya Abrahamu, lutendo lwe Abrahamu a vha e nalwo, Murena Yesu Kristo vhukati hashu, a tshi khou khwaþhisidza Ipfi Lawe, na zwiga zwi tshi khou tevhela.

<sup>162</sup> Ndi nnyi, ndi garaþa nngana dzi no tea u rabelelwa, imisani zwanda zwañu, ni na garaþa yanu? Oo, ndi khwine ri tshi thoma muduba wa thabelo.

<sup>163</sup> Ni a vhona, ni a pfesesa a ni ralo? Zwino uyo muya a wo ngo . . . Izwo a zwi fhodzi. Izwo zwi Mu ðivhadza fhedzi uri u fhano. Vhafunzi vhañu vha tou vha na maanda a fanaho a u

rabelela vhalwadze. A vha iti hezwo; hai, zwa vhukuma hai. Fhedzi vha—fhedzi vha tou vha na maanda a fanaho, “Izwi zwiga zwi do tevhela vhatendi.”

<sup>164</sup> Zwino ndi t̄oda khonani dza vhafunzi dzanga hafha. [Mukomana Branham u humbela muñwe, “Naa zwo luga u vhidza kha vhathetshelesi, vhashumeli?”—Mudz.]

<sup>165</sup> Ndi vhafunzi vhangana fhano vhane na tenda nga mbilu dzanu dzoñhe, vhashumeli ngomu hafha, vha tendaho? Oo, ndi a ni livhuwa. Ndi a mangala uri ni do ima naa? Idani ngeno, imani na nne lwa tshifhinganyana, henehafha phasi, rabelelani vhalwadze. Tselani henehafha phasi. Zwino inwi ni sedze u fhodza hu tshi itea, sedzani zwi no bvelela.

<sup>166</sup> Ndi t̄oda ni tshi da, na vhumba mi—miduba mivhili henehafha. Ndi khou tselā phasi henefho nga tshifhinganyana, u rabelela vhalwadze. Ndi t̄oda vhafunzi vha tendaho vha no t̄oda u dīdīvhadza sa vhatendi. Uri, ni a tenda, uri ni khou da ngeno, ni khou tshila vhotshilo vhukhethwa, ho kunaho. Elelwani, sedzani ngeno zwine zwa khou bva, zwi imelaho Mafhungo-maqifha a Kristo!

<sup>167</sup> Mukomana Blair, ndi a ni ñivha henefho, inwi kana Mukomana Pat. Ni nga vhumba iyo miduba mivhili nga ndila ine kanzhi na i ita, arali ni tshi do ralo, inwi na Mukomana Pat.

<sup>168</sup> Vhafunzi vha tendaho vha no khou yo tenda! Zwino, sedzani, arali Mudzimu ngaurali a tshi nga Dīdīvhadza nga Ipfi Lawe, na Ipfi Lawe, ndi vhangana vha no ñivha uri Bivhili, Yesu o amba izwi, “Izwi zwiga zwi do tevhela avho vhane vha tenda. Arali vha vhea zwanda zwavho kha vhalwadze, vha do fhola”? Vhafunzi, no da hafha u dīdīvhadza sa vhatendi. Naa ni vhone? Ni vhatendi (naa a ni vhone?), no vha ni tshi do vha ni songo ima hafha. Zwino naa Yesu o ri mini? “Izwi zwiga zwi do tevhela avho vha no tenda.” Nñe ndi mutendi na vhoiñwi.

<sup>169</sup> Ndi khou tselā phasi. Avha ndi vhatu vhashu, huno riñe ri vhalisa vha aya masambi. Ndi khou tselā phasi u ñaramudza mambule anga na vhoiñwi zwino, nda vhea zwanda zwanga na zwanu. Huno musi avha vhatu vha tshi fhira, arali ni na tshiñwe tshithu tshine tsha tou timatimisa zwiñuku ñhalukanyoni yañu, tshi bviseni zwa zwino; uri musi avha vhatu vha tshi fhira, zwenezwo muñwe na muñwe wavho a no khou fhira, huno ra vhea zwanda khavho, vha do fhola. Naa ni do tenda nga mbilu yañu yoñhe zwino, muñwe na muñwe? [Vhashumeli vha ri, “Amene.”—Mudz.]

<sup>170</sup> Ndi vhangana ngomu hafha vha no khou yo rabelela vhañwe musi vha tshi fhira, imisani tshanda tshañu, “Ndi do vha ndi tshi khou rabela.”

<sup>171</sup> Elelwani, hu nga di vha khotsi aña, mme aña, ñwananyana wañu kana murwa, khaladzi kana mukomana. Huno arali a si wañu, ndi wa muñwe muthu, a no khou yo da nga uyu muduba.

Huno mini-ha arali ho vha hu vhone, huno vha tshi khou fa nga pfuko, kana vhuñwe vhulwadze vhu ofhisaho, no vha ni si nga ṭodi munna a tshi vha a fulufhedzeaho nga ngoho? Zwa vhukuma, ro vha ri tshi ḍo ralo.

<sup>172</sup> Zwino, ndi a tenda, ni khou yo hani... Zwino avha vha re kha *uyu* muduba hafha, iyi phasedzhi, imani nga hangei thungo *ila*, na garaṭa ya thabelo. Imani nga hangei thungo *ila*, vhothe vha re kha khethekanyo ya tsha u *la*. Zwino, ndila, farani khethekanyo ya tsha monde; ri a tsitsikana tshoṭhe, ni a vhone, huno a ni ḏivhi uri hani, zwine ra khou ita. Zwo luga, vhothe vha re kha *iyi* khethekanyo, takuwani *hafha*. Zwino, vhothe vha re kha khethekanyo ya tshanda tshaula, itonu ḫa nga ndila iyi, ngauri ni khou yo tsela fhasi, na ḫa ngeno.

<sup>173</sup> Huno ni khou yo, vha khou yo bva hani, Mukomana Borders? Henefho nnda nga vothi *la* nga thungo, vha ḫa vha mona nahone vha dzhena ngomu tshifhaṭoni hafhu.

<sup>174</sup> Ngauralo, musi thungo *iyi* i tshi ḍo vhidzwa, nga miniti i si gathi, huno vha ḫo ima. Huno kha ri vhone zwino zwine... Zwo luga, avho vha re kha *iyi* khethekanyo, rembulutshelani thungo iyi nga hangeno. Farani garaṭa dzanu dla thabelo, ni ḫe nga hangeno thungo iyi. Huno vhoinwi vha re madzuloni a n̄tha, idani fhasi uri ni ḫangane navho magumoni a muduba hangei n̄tha. Zwino avha vha re kha khethekanyo ya tshanda tshamonde, iyani nga hangei thungo ya tshanda tshamonde. Huno zwenezwo, ni a vhone, ni thome muduba wañu huno ni humele murahu nga *iyo* ndila; ni humele murahu, ni rembulutshele kha *iyo* ndila. Ni a vhone? Huno ni ḫo tevhela muduba u mona henefho, zwenezwo a ri nga vhi na u ḫangana-ḥangana na luthihi.

<sup>175</sup> Huno zwenezwo vhoinwi ni re madzuloni a n̄tha, itonu ita fhethu hanu zwavhuḍi kha idzo phasedzhi, nahone na tou rothela ngomu henefho vha tshi khou fhira.

<sup>176</sup> Zwino, zwino itonu thoma u humela murahu, muñwe na muñwe, iyani afho murahu u swika ni tshi ḫangana na uyu muduba henefho u mona na *hafha*. Itonu mona, n̄tha ngomu *hafha*, ni thome u tshimbila na mona huno na ḫa kha uyu muduba *hafha*.

<sup>177</sup> Oo, hu nga bvelelani zwa zwino! Hu nga bvelelani! Itshi tshi khou yo vha tshifhinga tshine tshiñwe tshithu tsha fanelu u itea. Zwo luga.

<sup>178</sup> Zwino, izwo ndi zwone, humelani ngei murahu ni mone nga *iyo* ndila, nahone ni dzhene henefho mudubani, nga u ralo. Monani nga iyi phasedzhi. Iyo ndi yone ndila zwino.

<sup>179</sup> Huno zwino musi no ima, muñwe na muñwe nga milenzhe yawe, ri khou yo ita thabelo. Huno itshi tshivhidzo tshi khou yo rabela na nñe, uri ni khou yo ḫewa mutakalo. Itonu vha na lutendo zwino. Huno ni songo...

<sup>180</sup> Idani ni mone, murahurahu henengei murahu, ni de ni mone huno ni tume uyu muduba ngeno murahu. Idani ni mone, ni ite muduba muthihi muhulu. Idani ni mone ngā iyo ndila, huno ni ite muduba muthihi. Izwo ndi zwone.

<sup>181</sup> Muñwe na muñwe nga a vhe thabeloni. Ivhani zwa vhukuma kha lutendo zwino. Ni songo dzhela nzhele gogo zwino. Elelwani, ro—ro kuvhatedzwa nga Vhuhone ha Yesu Kristo, a tshi khou qitika nga riñe u hulisa zwe A ita vhukati hashu, nga u vha na lutendo kha Ipfi Lawe.

<sup>182</sup> Izwo ndi zwavhudi. Zwino zwi do tou vha zwavhudi. Ndi elekanya uri uyo muduba u khou dzhena ngomu nga ndila i mangadzaho.

<sup>183</sup> Zwino musi ro ima rothe, ndi ḥoda muthu muñwe na muñwe zwino, ngomu tshifhaṭoni, u kotamisa tshifhaṭuwo tshaṇu.

<sup>184</sup> Murena Yesu, zwi do bvelela hu si kale. Phetho i tea u dzhiwa zwa zwino. Naa ri a tenda uri U fhano? Naa ri a U funa? Naa ri na lutendo, Murena, lwo edanaho zwine ra khou yo humbela? Avha vhathu vha khou didivhadza nga u ima mudubani. Murena, ngavhe zwi sa vhi zwa fhedzi. Ngavhe zwi tshi vha zwenezwo, Murena, zwauri vha tshi fhira hafha, muñwe na muñwe u do tou fhira vhunga vho vha vha tshi khou fhira fhasi ha Kristo, ngauri ri a divha uri U fhano. Huno ri rabela uri vha do ṭanganedza phodzo yavho. Ndi na ngoho ya uri na kha vhege na vhege dzi daho, avha vhathu vha do vha vha tshi khou ya kha vhafunzi vhavho, vhasadzi vhe vha vha vhe na vhuleme ha tshisadzini, vhuleme ha dangani, munna a re na thanga ya tshinnani, tshakha dzothe dza vhuleme, vha do newa mutakalo, vha tshi ri, “Ni a divha, tshithu tsho tou ntutshela,” ngauri vha Vhuhoneni Hau. Ngavhe vha tshi fhira zwino huno—huno vha kokodza avha vhe Wa vha fela. Vha Mbeu ya Abrahamu, huno Wo vha kundela. Ngavhe vha tshi da nahone vha ṭanganedza zwe Wa vha nea zwone.

<sup>185</sup> Huno, Sathane, wo bviselwa khagala nga maanda ino vhege, u swika u tshi divha uri u tshitshili tsho kundwaho. Yesu Kristo o u kunda ngei Khalivari. O vuwa nga ḫuvha la vhuraru, u itela u itwa vho lugaho hashu, huno O ima vhukati hashu zwino. Huno lutendo Iwashu lu sedza Khae, nahone kule ha iwe kana tshinwe tshithu tshe wa ita. Tutshela avha vhathu, nga Dzina la Yesu Kristo.

<sup>186</sup> Zwo luga, thomani muduba. [Mukomana Branham na vhashumeli vha vhea zwanda kha vhalwadze huno vha rabelela muñwe na muñwe a re mudubani wa thabelo. Tshikhala kha theiphi—Mudz.]

<sup>187</sup> Ro ita nga ndila ye Muñe a ri laya uri ri ite. Ndi vhangana vha vhoiñwi vhe na fhira mudubani uyo, no tendaho uri ni do wana mutakalo, imisani tshanda tshaṇu. Ndi engedza tshanga na inwi.

<sup>188</sup> Zwe ra vha ri tshi khou zwi ita heneffo, mafhedziselonni, sa tshigwada tsha vhashumeli heneffo; vhanzhi vhavho vha vha tshi lwala, ndo zwi divha, fhedzi vha khou lingedza u shumisa vhuḍidini havho kha u dzenisa tshivhidzo tshavho ngomu, kana vha a dzhena kana hai. Avho ndi vhalisa vha vhukumakuma. Huno Muya Mukhethwa wo ri kha nne, “Ita uri vha farane nga zwanda.” Ra vhofhekanya mbilu dzashu na mambule fhethu huthihi, na thabelo dzashu, fhethu huthihi.

<sup>189</sup> Yesu, vha nee mutakalo, na vhone-vho. Nahone vha ite vhalisa vho khwaṭhaho, vho khwaṭhaho kha Ipfi ḥa Murena.

<sup>190</sup> Ngavhe Mudzimu, vharathu vhanga, ngavhe A tshi ni nea lutamo lwoṭhe lwa mbilu dzaṇu. Ngavhe ni tshi Mu shumela maḍuvha oṭhe, huno na vha na maḍa a Mudzimu vhatshiloni hanu, u shumela itshi tshivhalonyana tshavhuḍi tsha vhathu. Ngavhe Yesu Kristo, We a vha e na riṇe, nahone a re na inwi tshifhinga tshoṭhe, ngavhe A tshi Diita muhulwane kha inwi u fhira zwe A vha e zwone misi yoṭhe u rangani.

<sup>191</sup> Vhoinwi vhathu, vhaniwe vhanu vhe na vha ni vaholefhalu, ni nga di si kone u vhona phambano lwa tshifhinganyana, ni nga di si vhone phambano. Sedzani zwe Abrahamu a ita. A zwi iti phambano uri mini; izwo a si zwine na khou zwi sedza. Inwi a ni sedzi tsumbadwadze dzaṇu. Sedzani zwe A amba. Arali ni tshi ri, “Ndi kha di pfa vhatungu,” izwo a zwi na mushumo nazwo. No ita zwe Mudzimu a ri ni ite. Ni a vhona, ni songo sedza izwo. Sedzani zwe A amba. Mudzimu o ri zwe vha nga u ralo! Ndi a zwi tenda. Naa inwi a ni ralo? [Tshivhidzo tshi ri, “Amene.”—Mudz.] Nga mbilu yanga yoṭhe, ndi a zwi tenda.

<sup>192</sup> Murena Mudzimu a ni fhaṭutshedze u swika ndi tshi ni vhona hafhu. Thabelo dzanga ndi dza vhoinwi; vhusiku vhu songo swifhalesa, mvula i songo nesa. Ndi do vha ndi tshi khou ni rabelela. Inwi ni nthabelele. U swika ri tshi ṭangana hafhu, Mudzimu a ni farise. Zwino mukomana a no khou lisa, ni a vhona.



*U DZHIA KHORO YA SWINA NGA MURAHU HA TSENGO* TSV64-0322  
(Possessing The Gate Of The Enemy After Trial)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga masiari a Swondaha, Thafamuhwe 22, 1964, Tshikoloni Tsha N̄tha Tsha Denham Springs ngei Denham Springs, Louisiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)